

信芳閣
誦草

許敦彝類簽



信芳閣詩草卷三

閩文姬歸漢故事

蓉江陳蘊蓮慕青

漢季紛爭失權柄賢臣遠戮親奸佞何進庸愚召
外兵一時士庶罹鋒刃中郎身後更堪傷嬌女流
離入虜鄉異域羈身免溝壑一朝託體左賢王名
公女作名王配托身得所榮遭遇漢家公主尙和
親當時誰解陳斯議摸金校尉多黃金千金贖取
鴻毛輕煦煦爲仁誠可笑喪人名乃自沾名君子
信芳閣詩草 卷三

愛人必以德豈可使人失大節幾拍胡笳枉斷腸
千秋遺恨良堪惜地下中郎若有知也應抱憾無
窮期如何不矢靡他志枉賦傷懷悲憤詩嗚呼奸
雄不顧綱常義可惜文姬徒識字

烟蘿仙館種竹偶成偕外分韻

帶雨移來鄂杜烟綠雲旋繞畫堂前潛消赤日炎
蒸氣好結清風明月緣只許佳人依翠袖未妨高
士聳吟肩烟蘿館繼鷗波館不羨封侯不羨仙

種花有感

銀瓶鳴玉汲奚奴我正迴腸似轆轤花怨客懷何
厚薄將離鋤卻種文無

外子荷叅寒夜待旦感賦二章

引領東方尚未晞薰籠先爲暖裳衣低呼小玉牕
前望歷歷寒星月色微

料峭西風苦晦冥寒威偏是逼重櫺更憐聽鼓應
官客夜踐巖霜未慣經

爲鴿營巢贈之以詩

擇隣而徙豈同臬爲爾經營傍綺寮從此鸚鵡棲

信芳閣詩草

卷三

二

息穩免教風雨嘆飄搖

休因剥啄構爭端共藉枝棲息羽翰小惠殷勤非
望報可能借汝報平安

盆梅

移來華屋置房櫳

花爲家謙齋
太守所送

從此塵埃路罕通

一樣寒香生陋室不須日炙與雲烘

幾生修到有深緣沁骨香來我欲仙何必司風煩
令史護花不讓四禪天

珍重靈根謹護持豈容塵俗近仙姿縞衣翠羽渾

虛妄卻笑師雄假夢思

春草

借問東風爲阿誰
離離綠徧草如絲
難忘恍惚深宵夢
不盡纏綿遠道思
目極平蕪南浦路
愁生細雨夕陽時
更添遊子無窮感
報答春暉有卷施

咏宋史

鳥盡何曾弓盡藏
香孩兒度過高皇帝
弟兄分痛恩尤厚
孟酒消兵計亦臧
可惜當時容趙普
致令他

日卒秦王

太祖子德昭太宗踐祚時封秦王

徽音相繼師文母肅

信芳閣詩草

卷三

三

穆宮幃勝漢唐

謝項夫人蘋香惠素心秋蘭

頻分秋色到書龕
屢乞奇葩不厭貪
一笑拈花轉惆悵
逗人舊夢落湘南

蘋香姊招玩秋蘭卽席口占

相投臭味一何深
入室芬芳已滿襟
幽谷佳人原絕代
空山高士本同心
思親何日循陔采
覓句曾經繞澤尋

先舅中丞公駐節湘南曾隨侍任所

豈獨分攜紉作佩歸

來猶許髻旁簪

姊曾以一

本見貽

讀史有感咏懷質外

寶鴨閒添夜向闌燈前幾度廢書歎臣饑誰惜東
方朔宦巧休譏司馬安缺食短衣嗟數挽無魚長
鏡笑頻彈高風畢竟羊裘子雲水蒼茫把釣竿

仲秋外子解鹽入都口占以贈

辛苦年來兩度嘗猶難補卻眼前瘡居官錯料多
生計絕似饑鴻覓稻梁

雲月輕分可奈何批紅判白已蹉跎暮春有大
梁之役消

魂又折西風柳漫說春秋佳日多

信芳閣詩章

卷三

四

浪說津門紙價騰慚居畫苑最高層有目余為趙
文淑馬江香

以上人者
聞之增愧春明親友如相索為報秋來病未能

憑闌

憑闌離思渺無端暫撇深閨錦字盤怯步中庭望
明月雲鬢玉臂不勝寒

鶴處鷄羣食常不飽詩以歎之

鍛羽雲霄未許翔閒堦花逕足徜徉憐渠本以高
難飽羞逐鷄羣覓稻梁

雁字

倒捲霞光作紙紅雲藍一一渡征鴻筆飛墨舞縱
橫似鳳翥鸞翔變化同爲有好音思繫帛並無怪
事訝書空想因織芥機槍落露布疑傳到粵東
時粵省映夷滋事林節使移駐粵東穴蟻鼎魚行當撲滅也

有以九秋詩來屬和者和如其數

秋月

娟娟素月正流天如此良宵未肯眠掩漾清輝花
弄影凄迷香霧臂加棉秋霜點髻愁潘岳涼露沾
衣感仲宣正是吟懷振觸處南飛烏鵲過庭前

信芳閣詩草

卷三

五

秋雨

瀟瀟風雨滿庭秋樹杪重泉瀉不休注面將毋同
陞楯沾衣焉肯乞秦優胭脂紅冷海棠泣金粉香
消蝴蝶愁一事差羸杜陵老床床幸未濕衾裯

秋水

上下天光一色同波平如鏡遠涵空漁舟唱晚搖
搖火雁陣驚寒拍拍風明月蘆花千頃白夕陽楓
葉半江紅溯洞宛在伊人想渺渺余懷正未窮

秋砧

霜信頻催急暮砧隨風入夜逗疎林寒侵羅襪焉
辭倦力盡柔荑恐不禁何處流黃連月壽誰家紅
豆和蛩吟大都思婦情逾切或欲人聽空外音

秋柳

丰神豈復舊靈和憔悴烟痕可奈何春色依依愁
少婦秋風嫋嫋怨湘娥珠樓漸露新粧面粉本將
摹不了柯莫聽消魂吹玉笛故園搖落想無多

秋花

蕭條三徑就荒時點綴疎籬景尚宜種近日邊承

信芳閣詩草

卷三

六

露早寒依竹下得霜遲盈盈粉淚窺粧鏡澹澹紅
香卧曉枝莫訝秋深開最晚喜無瘦蝶冷蜂知

秋草

霜落津門草樹荒平原一望野茫茫懷人南浦兼
葭老觸日西園蝴蝶黃大地枯時疾鷹隼夕陽明
處見牛羊寸心肯逐燒痕盡轉眼春暉報正長

秋蝶

芳草天涯夢已非翩翩宛宛趁餘暉采香逕內笙
歌歇拾翠園中紅紫稀研露待添雙翅粉買絲欲

繡五銖衣不知暗裏消炎暑猶倚秋風作態飛

秋蟬

何事枝頭訴恨頻
桐陰百尺足容身
生無求世如高士
秋有餘音愧諫臣
露重伶俜棲未穩
風多搖曳聽難眞
行當補入維摩畫
添箇柴門倚杖人

枕上偶成

摘句尋章素未諳
驪龍珠向暗中探
無端詩思來何處
自識天機到枕函

和沈西雍太守楊花用玉漁洋秋柳韻

信芳閣詩草

卷三

七

流鶯枝上攪吟魂
桃李陰陰覆院門
看去春愁愁有影
照來夜月月無痕
花生謝女題詩筆
香滿吳姬壓酒村
莫羨因風霄漢近
顛狂身價不堪論

舞訝珍珠掃訝霜
半隨塵土半池塘
飄來茶鼎疑煎雪
點上圖書誤置箱
閒逐兒童啜白傳
愁生羌笛感詩王
不堪回首消魂地
正值花飛曳練坊

丁酉

春余與次芬
妹別於吳門

濛濛漠漠糝人衣
結習留痕似也非
燕子啣來春漸老
鶯兒打起夢偏稀
可容月地和梅種
祇合花

天伴雪飛傍路拋家同一慨趨庭咏絮願常違
開誰行惜墮堪憐滾作輕團散作烟自有新詩吟
白雪莫將陳語擬吳縣風梳雨沐剛三月鳳泊鸞
飄又一年萬種柔情吹不斷逗人離思浩無邊

汪少司農兩姬同日殉節歌

滿洲正白旗人

維建寅月歲庚子司農阿爾邦阿死司農身去問
誰從兩姬身殉呼天只兩姬者何姓氏香惟公側
室蔡與楊誰知桃李春風面生就冰霜鐵石腸夫
人會得淑姬意不令舞衣歌扇侍佐理蘋蘩內政
信芳閣詩草 卷三 八

恣食譜茶經惟是議一旦罡風折棟樑絲彈寡女
淚沾裳相將身試黃泉路攜手同歸掩曲房生同
所天死同日元之七姬纔可匹金谷惟傾一斛珠
說與石崇應羨絕泰山一死豈尋常巾幗能爭日
月光願竭鄙誠書萬本作歌未盡我掄揚

苦雨行

時有嘆
夷之警

時庚子歲建申月惟畢有星躔太白警看雌霓下
雲端颺忽青霄似潑墨赤電驚虓烏合旗白波翻
轉蛟入室倒捲黃河瀉不休曲突無烟米難乞不

愁布被濕牀牀但恐縹緗汚手澤閭道城中十萬

家十室九傾墻與壁可憐生死在須臾指裂膚

復奚惜稊崩棟折時有壓斃者傷損者更復不少海氛又復傳聞惡螳

臂翻思撼車軸將相謀深李郭儔穴蟻鼎魚應就

戮紛紛蛇豕不須驚憤極蛾眉欲請纓料應傾盡

天河水好向攔江洗甲兵

催粧詞為蘋香姊令子賦

薇垣今夜照三星法曲雲璈引玉輶分付蕭郎添

鄴架女兒箱有十三經

信芳閣詩草 卷三

九

生花斑管石州螺半寫新詞半畫蛾今日分明登

月窟錯疑攀桂近嫦娥

將歸述懷

跡阻津門閱四年高堂白髮漸盈顛幸逢君子皇

華賦喜遂歸人將母篇外督餉南河故得便道歸省古渡漫愁

新漲地時值大雨後沿途尚多水阻長途暢好小春天時擇小春望日

行感時恨別憐花鳥每到憑闌倍黯然

留別蘋香

暫時賦別也魂消閨閣情如管鮑交莫訝得歸翻

悵悵感君真義薄雲霄

歸心雖已逐南雲幾度遲留總爲君陌上花開鴻
北嚮好從林下接清芬

留別烟蘿仙館

寓中書室顏其額曰烟蘿仙館

築室穿池借數椽我居爰定葺初完花南滴露翠
長卷研北題詩擘彩箋健步移梅和月種文牕聽
雨枕書眠不知此後烟蘿館可再重棲吏隱仙

曉行遇雨卽景言懷

鷄聲喔喔霧冥冥催上征輪夢乍醒細雨溟濛疎
信芳閣詩章

卷三

十

又密疲驢蹩蹩去還停枝頭返哺慙烏鳥原上呼
羣感鶴鴒莫怪歸心急如箭高堂屈指數郵亭

行抵滄州車溺於水戲作

古道年來坑阱多雙輪忽爾陷盤渦須臾脫險遶
天佑依舊芙蓉出淥波
淖入滄浪幸水清一泓真可濯塵纓大都愛讀離
騷傳遺則幾乎倣屈平

齊河懷古

極目康莊道齊河接晏城能尊天統正應得霸圖

成勳佐桓公盛民憐戰國輕蒼茫憑弔處山色遠
相迎

入山

澗斷疑無路車從千仞馳登山窺霧豹入水采元
芝世路雖危險中心自坦夷行當凌泰岱振筆好
題詩

山路曉發

羶車兀坐意膏騰顛播傾欹已不勝殘雪消時冰
乍合曉霞明處日初昇長途辛苦原嘗慣險道中

信芳閣詩草

卷三

十一

字或可憑無象太平還有象納禾拾穗滿田塍
不信還家似此難羊腸亂石走千盤嗟呀巖谷排
雲上迢遞關河立馬看辛苦最憐嬌女弱驅馳更
怯曉風寒故園南望猶千里安得凌風振羽翰

途中卽目

處處紅粧瘦馬馱眼紗高髻黑皮鞞如何絕少驚
鴻態枉說佳人燕趙多

長清道中

驅車適千里陂陀少平陸倏如鳶墮溪又若猱升

木仰觀接青冥俯視駭心目去地已千尺路轉幾
百曲怪樹生龍鱗空巖轉羊角無令塵汚人其奈
風翻撲黃沙集成嶺亂石疊作屋居民半癯瘦村
姬更粗俗無由辨頸腮濶頰裁衣服言語盡侏僂
形骸間禿禿不知彼蒼意賦此一何酷行行長清
道輒作數日惡茅店薄暮投留客少餐粥堆盤具
蔥薤裹飯進藜藿云此歲歉收山家少旨蓄鄰老
勿復進所至因休沐在山泉水清渴飲意已足明
發新泰郊好與清景逐

信芳閣詩草

卷三

五

行經泰山

泰岱馬前迎名山此日經雲橫半嶺白峯吐一痕
青餘綺明丹旭奇光現翠屏斯遊真快意車轂恨
難停

蘭山放歌

過此出山

長空蒼蒼野茫茫兩旁亂石如牛羊車聲磷磷石
上過電掣雷轟半空墮時防脫輓愁須臾跼促已
仆轅下駒馬瘡僕痛色沮喪百步九折向空上忽
然一躍如飛梭轉瞬已下千丈坡又如忽挾王良

策人馬去天不盈尺又如亞夫將軍降自天仰視
千仞心茫然此時未免心如擣此際咸愁不自保
平生辛苦我深嘗此險真如上太行雲青青兮日
將暮眼前忽得康莊路白沙沒踝水波平穩渡巾
車馬不驚是日過沂州心折骨驚疲犖确如何轉又戀
山麓時時回首望雲林齊魯山餘未了青險中得
樂聊自快指日歸帆淮海掛

換馬灣覆車口占

并序

山路崎嶇深林月落獨行踽踽四野茫茫

信芳閣詩草

卷三

三

馬忽旋湍難號慶鄭車誰掀淖尚有樂鉞
險能倖脫敢云佑是彼蒼岸已誕登或者
護由我佛於是重膏吾車載秣我馬問征
夫兮前路皆云豺虎縱橫詢土著兮村旁
咸謂盜賊出沒斯時也骨驚心折聞草木
兮皆兵嶺斷雲橫盼村墟兮何處幸防身
一劍堪倚崆峒忽導我雙燈重披雲霧乍
投茅店喜賓至之如歸聊托管城紀客途

之重險云耳

高山啣日漸昏黃猶是崎嶇陟亂岡心折骨驚輿
脫輓幾回歷險愧王陽
風高月落野茫茫豺虎縱橫暴客場恍若重生投
旅店此身幾欲付魚腸

換船

一辭故國四經秋買棹仍尋古渡頭夢裡猶驚出
路險耳中已愛櫓聲柔風藏棹底颼颼響月映波
心瑣碎流歷徧巾車顛播著番真擬賦仙游

舟泊揚子江感傷亡姊司蘭

信芳閣詩草

卷三

十四

臨風酌酒祝泉臺揚子江心雁陣哀卅載同懷生
死別可能魂魄夢中來

到家

疲馬解鞍馱弱羽返故巢行行泝清溪彌覺桑梓
遙到家夜已半心急門亂敲老僕喜我至走報捷
飛猿黃犬喜我歸迎門尾屢搖惟時高堂親待我
燭尙燒見我步庭除早覺悲喜交未暇敘欵曲投
懷效兒曹思兒白髮衰憶母朱顏凋愁來似膏火
晝夜相煎熬得歸慰老親跋涉不知勞辛苦萬山

來屢恐不測遭責兒何太輕泰山等鴻毛母問未
及答兄嫂羅酒肴彼蒼相吉人孝行天自褒勿復
愁往日且用樂今朝願妹年年歸斑衣壽春醪揚
揚紫荆花灼灼榮綺寮啞啞返哺烏故故啼樹梢
骨肉會合難坐久忘深宵願茲天倫樂莫再等閒
拋

偕外赴次芬三妹之招口占賦贈

既見還疑夢疑眸各費猜樓頭玉人望天際錦帆
來舊榻勞君掃愁懷此夕開喜心翻感泣相對涕

信芳閣詩章

卷三

五

盈腮

骨肉搏沙似分攜竟五年吳天聽雨坐渤海望雲
眠酒盞今宵共燈花昨夜妍何當置雞肋長傍舊
林泉

小蓮子歸後寄懷

暫覺辭勞瘁其如惜別何苦難尋好夢不易遣愁
魔似玉離纖掌如花認故柯啞啞烏返哺偏是感
人多

別夜

三月朔始離
膝下啓行

耳畔如聞喚女聲，曹騰支枕已三更。最憐小婢初

離母

余新得一婢性甚慧，巧常夢中呼母，故云。

一樣思親夢屢驚。

舟中遣悶

今日方知行路難，歸時冬仲出春殘。無家信有王
尼嘆，滄海橫流總未安。

浮家又傍水雲居，到眼溪山畫不如。閒向篷牕攤
素卷，愛他雨過潤琴書。

一湖水氣冷侵衣，頓覺他鄉風景非。柳未含顰花
未笑，故鄉此際絮應飛。

信芳閣詩草

卷三

六

題美人梳頭

屨廊小響夢纔醒，驚起芙蓉倚玉屏。無那嬌憨春
正嬾，畫眉聲喚幾曾停。

綠雲欲展故遲遲，記得前宵摘髻時。怪底幽香盈
繡戶，分明薇露潤胭脂。

雲鬟散馥襲輕裾，非麝非蘭透綺疏。最愛粧成明
鏡裏，一奩秋水映芙蕖。

閒定海復陌

莫漫論功望土茅，蚩尤猶未沃腥臊。夷來不覺

河險戍遠誰憐士卒勞罵賊小臣甘斧鑕

定海知縣姚

懷祥不屈赴水死典史全福立獄門外罵賊遇害

忠君上將飲靴刀

壽春鎮總

兵王錫朋處州鎮總兵鄭國鴻定海鎮總兵葛雲飛並同日戰死

吾皇神武許

謨廣看爾游魂何處逃

保陽贈吳春竹夫人

天涯萍聚豈無因賓至如歸氣誼真詩到苦吟憐

我瘦炊猶無米嘆君貧飄搖千仞丹霄鳳零落空

山絕代人

夫人為吾常望族偕其外旅食保陽家屢空匱備常艱苦而處之宴如喜讀杜

詩每誦絕代有佳人之作聲淚俱下桑梓葭莩兼世好那能相見不

信芳閣詩草

卷三

七

相親

旅夜書懷

津門夷警避居保陽

看劍

飄泊誰憐淚暗彈出何草草返何難夜深胆怯挑

燈坐但把吳鉤子細看

縫衣

天涯萍梗欲何依歸夢都因久客稀玉質自知勤

護惜將眠縫裏舊時衣

夜寒

美人原不隔雲端咫尺誰知一面難舊日明珠今
草芥有誰憐惜此時寒

糧船竹枝詞

補辛丑暮春
作共八首

千斛糧艘上開難百夫牽挽泝狂瀾紅旗亂掣銅
鉦急棹索如雷下急湍

閘官高坐矮皮交土室茅簷紅傘飄到此帆檣俱
暫住頭船常例進錢刀

枉學江南淺淡粧施朱太赤粉如霜逢入也解佯
羞澁一笑忙於傘底藏

其婦女出游乘小舟無論
陰晴但持雨傘逢人用以

信芳閣詩章

卷三

六

障
面

吳語年來習慣常自誇服製擅維揚旗丁眷屬尊
榮甚不向街頭唱鳳陽

常郡旗丁皆鳳陽人其地
逃荒婦女常向街頭唱鳳

陽歌丐
錢故云

玲瓏瘦石伴幽蘭悞認花磚最可觀一笑番成噴
飯具瑤琴不枉對牛彈

適為船主畫扇船主
指石為磚殊可噴飯

邪許聲中走逆風篙師揮汗怨天公愛山翻喜舟
行緩飽看烟鬢翠掃空

服飾與居大不同猶言澹泊是家風難求海外龍

涎餅好辟行厨屈突蔥

三義廟

莫言三義訛傳誤孝友原從光武傳

劉演遇害光武哀痛甚枕

蕭間恒有涕泣處

不是阿瞞諸子弟然箕煮豆自相煎

病起紀事

最苦他鄉貧病侵牛衣宛轉共呻吟良醫用藥須

當病同死同生並命禽

妻子從來比繻袍君如山岳妾鴻毛不知身僅餘

皮骨剗股猶思索剪刀

信芳閣詩草

卷三

五

罡風吹墮北邙鄉已覺浮生付渺茫媿煞幽冥喚

才女重生小草賴慈航

縣廢時倏然暈去見矮屋鱗次內有猛惡數草欲驅

余入苦不能脫正惶遽聞鈴鐸聲約相去數武

一亭巍然內懸琉璃燈甚明有青衣黃帽者手擊

金鉦走而呼曰陳才女

菩薩另有旨汝等速退頓覺眼界光明閉兩悉避始得重生

秦嘉驚起應聲呼悲喜交加一笑扶連理枝頭花

又放倩誰畫箇再生圖

余病至正月十七手足木彊奄然脫去外知亦驚量

自己至亥凡七閤時坐起呼外曰余歸矣外即蹶然起應歡然握手余即備述所見兩相慰藉笑語

移時若無病者

似得名香已返魂醫庸藥悞尚昏昏

先服某醫藥日劇後又延

魏寶齋診治始無錯
悞然再生實賴神佑
掃眉素忝居名士名士膏肓

信謬論

晴怯溫和雨怯涼最難穿換是衣裳素甘澹泊無

兼味何必劉郎消食方

慈諭傳來廿六鱗

今年四閱月始得家書

床頭披讀淚沾巾

不知兒已邀天佑函問訛傳累老親

聞寧波警

可能擒賊便擒王轉戰經年缺斧斨諸將承恩兵

用命威張指日落天狼

信芳閣詩草

卷三

三

傳來消息浙川東聞道樓船一炬空

總兵鄭國鴻子鼎臣設計

燒燬夷船數隻賊始退至定海

果使逆夷真破胆也應韓范在軍

中

風月從來屬四明可憐烽火似邊城三千安得錢

王弩不射江湖射賊兵

聞京口警

羽書驛使日紛然樓櫓驚聞北固傳浮玉山頭開

壁壘無諸臺畔接烽煙神能殲賊三千弩

海寧有武肅王

廟最著靈異近傳逆夷行近廟側若不能前其額隊頭目墜馬洞胷而死衆始退去海寧獲全蓋邀

神佑
云民不知兵二百年可惜衣冠文物地犬羊蹂躪更堪憐

自題畫

牡丹

冰綃霧縠想衣裳絕代佳人正淡粧贈芍秉蘭誇
故事何曾相謔及花王

翠雀花

柔姿弱蔓自婀娜顏色真堪並翠蛾甘向階前耐
風露不愁山澤暗張羅

信芳閣詩草

卷三

三

水仙

羅襪凌波不染塵鉛華洗盡見天真生香玉質尤
清潔合稱詩家比洛神

雪景

梅竹水
仙甘蕉

羣芳移植自瑤臺綠蠟紅梅冒雪開修竹何人依
翠袖芝田館外洛神來

題會集羣芳圖

羣芳摘自蕊珠宮香滿田田翠葉中若使淵明知

此意也應五色補籬東

擬行路難

外子復有保陽之役歌此贈之

奉君辟塵八銖之寶鏡無瑕雙美之瓊瑤玉局掃
愁之敝帚顏淵樂道之簞瓢人生識字雜憂患李
侯官歎壓百僚年來數折蒲陽柳畫地作餅誠堪
嘲我心則憂載饑渴君子復嘆勞薪勞乃知作客
別更苦魂冢冢兮心搖搖

君不見秦嘉贈婦何纏緜貞士終始誓簡篇徐淑
答書益悽愴愁如膏火晝夜煎又不見長松千尋
屈澗底荆棘徑尺栽山巔土牛騎猴苦不進乞兒

信芳閣詩草

卷三

三

乘車緊着鞭世間萬恨故相似居易俟命何尤天
父爲萬石子末吏負薪衣褐誰見憐風清月白負
良夜崇轅聽角辜華年王侯將相旣無分青燈四
庫嗟無緣囁嚅趨趨苦局促曷不歸種二頃田胡
爲摧眉折腰爲五斗風塵奔走凋朱顏迷陽射工
慎川陸太行孟門防面前終身之慕本無已于後
勿忘尙慎旃舉杯再歌行路難我懷歷亂何由捐

愁坐

脈脈含愁坐難禁分手時縱非千里隔門外卽天

涯

脈脈含愁坐冰輪相對愁懸知蓬底客同是掛心

頭

脈脈含愁坐支頤倚枕時鮫綃藏袖底上有淚痕

滋

脈脈含愁坐飛蓬髻可憐芙蓉去雕飾本是出天

然

脈脈含愁坐深閨怯晚涼檀奴當此際誰爲促添

裳

信芳閣詩草

卷三

三

脈脈含愁坐宵難遣睡魔欲將書破悶別淚損橫

波

脈脈含愁坐無心畫折枝幾時同握管相對仿徐

熙

脈脈含愁坐吹來落帽風去年當此日覓句共推

篷

脈脈含愁坐臨淵履薄天魂飛湯火際慚愧比神

仙

保陽諸名人見余詩畫咸有神仙之譽益滋余慚

脈脈含愁坐沉沉夜已深打窗風雨急滴碎此時

心

脈脈含愁坐
刀環望已違
羨他天際雁
同宿又同飛

脈脈含愁坐
銀蟾已上弦
歸鞭須早整
莫待月先圓

信芳閣詩草

卷三

三

姪元壽校字



信芳閣詩草卷四

蓉江陳蘊蓮慕青

咏史

黃鐘瓦缶一齊收，堪嘆炎劉爵賞優。
掃籜量沙紆袴子，挽符紆綬爛羊頭。
都人席與中宮並，阿監權同帝主侔。
英俊下僚饑欲死，紛紛竊國盡封侯。
十羊九牧事紛更，亂世堪嗟民命輕。
誰識奇才俾穎脫，枉將美錦試縫成。
嘗思貔虎軍中鎮，深惜麒麟地下行。
誅罪賞功同苦樂，王臣盜賊豈難平。

信芳閣詩草

卷四

一

非吾族類心終異，雜處中原事可知。
皂帽青衣何見辱，柘弓銀硯枉相遺。
不知燕啄矢和子，卻問蛙鳴官與私。
同氣揮戈韋粲死，江東王謝幸生遲。

喜雨質外

聖主憂民易格天，倒傾鮫室瀉飛泉。
百靈趨應三時雨，閩邸抄壇祈雨應時。上躬詣齋遠近沾澍，億兆咸沾。
大有年涼

入桃笙清午夢，潤生綠綺綬。
朱絃讀書不及爲農

樂涓滴，何曾澤硯田。

老母見寄茶笋衣裙感賦

阿母恩慈慣晨昏嘆久違傾筐拜茶笋稱體寄裳
衣祿養心難治求官計已非迴環書數紙涕下不
能揮

秋日病中書懷

正是梧桐落葉初病魔鄉思苦難祛羈縻身世慚
烏鳥迢遞山川斷雁書

已四月不接老母書

心織爲衣才素

拙筆耕而食計原疎朝來擲管慵無力強起因謀
擔石儲

待雪用尖韻

信芳閣詩草

卷四

二

如珠如霰弄廉纖不耐風威分外嚴拂拭雲箋思
咏絮掃除蘿逕待鋪鹽寒侵翠袖依修竹冷逼黃
絲失畫簷小婢知人先得句案傍呵潤凍毫尖

玩雪用義韻

啄冰屋角噪饑鴉已覺門無訪戴車四面涼風風
劈絮一庭枯樹樹交花更無人進東方履可有裘
貽協律家秀句果從寒餓得詩成白戰仿尖義

題徵蘭引

武陵沈廣文吟樵夫人余氏曰蘭

甚因畫並蒂蘭小頓并序願未遍徵名人
詩畫予爲寫蘭一枝并賦四絕以誌哀忱

徵蘭引誦使人嗟可惜梨雲散彩霞若較安仁哀
更切宜男草變斷腸花

涼蟬落葉響空階哀感難爲奉倩懷但使深情長
在抱勝他營奠與營齋

只恐佳人貌得難生香真態畫來看癡情應荷東
皇憫世世同爲並蒂蘭

柬宓參軍夫人

蒙君飲我武林春乘苧傳甘別樣神同此清風林
下挹由來佳茗似佳人

信芳閣詩章

卷四

三

大家風範信非常幸獲同心結雁行難得天涯免
岑寂春蘭秋菊共芬芳

未飲醇醪意已醺相攜羅袂接芳羣自慚不是司
勳杜也向尊前乞紫雲

蒙君一諾已無更想見金蘭手足情未識添香桃
葉女幾時方許列銀屏

老圃晚香圖爲鄧樵香別駕寫并題

模將五色黃荃筆寫出平生風骨香老圃不須嫌
寂寞一般璀璨耀秋光

東風

東風爾爲阿誰來萬紫千紅仗翦裁擬屬司風賢
丙史不教吹謝只吹開

外子轉餉中州歸示途中所作喜書於右

歸展珠璣悲喜增禪叅佳處夜挑燈流波膏火愁

徐淑冷炙殘杯感杜陵

每至州縣旦晚饋食糞糲不堪

隨物肖形

蠶結繭止樊汙食客憎蠅

大梁一路天氣和暖時屈冬令丑扇甚多集中

有憎蠅塵每攜之句

筆端嶽色河聲助欲和斯篇恐未能

排悶

信芳閣詩章

卷四

四

造物爭功未覺難
曠探冥索竟忘餐
宵模竹影待明月
曉畫花頭繞曲闌
端麗書饒文
憚秀窮愁詩少孟
梅酸虛名妄作千秋想
塵世繁華做屣觀

自題畫

紅白桃花

白疑噴雪赤疑霞
誤認桃源雲錦遮
天上僊人和露種
莫將路柳並斯花

夾竹桃

亭亭翠袖卷紅綃
倚竹無言韻更嬌
瀟灑纖妍誰

得似美人君子好丰標

白芍藥

最愛翻階玉幾叢春風拂處異香濃牡丹合讓花
王號不染楊妃一捻紅

家無担石儲外子憂貧作此以寬其意

微官仍守簞瓢樂歸去還愁三逕荒欲使客無彈
鋏嘆故將姓字動侯王

厨荒幸貸研田租兀兀窮年手卒瘠舉室差無懸
磬嘆愧馳名譽滿通都

信芳閣詩草

卷四

五

依然

依然太乙舊丰姿不遣秋霜上髻絲若問駐顏原
少藥平生處慣寂寥時

題胡夫人金芝閣深院避喧圖

結廬人境遠塵囂把卷沉吟逸思飄我欲卜鄰相
傍住詩成好與共推敲

十二紅闌映碧漪此君何處不相宜神清骨冷無

由俗

用東坡題林和靖句怪底吟成絕妙詞

瀟然林下澹丰容律細長城不易攻

夫人自題一律俊逸清新

諸閨秀雖有題咏
然無出其右者
詩解窮人從古嘆問君何苦咏

哦工

覓句窮年不厭貪掃眉才子恣幽探自憐措大猶

成癖書味醇於酒味甘

徐陵與宗室書詩書甘於酒體余素有書癖故云

久旱已而甚雨誌感

維壬午月歲乙巳早魃為災歇耘耜紛紛祈請刑

白鷺浮鷺無靈望徒企舞雩焚山術已窮忽然號

令出天公九天雲霧騰霄漢四海波濤響碧空分

龍已過雨隔轍遠近沾濡理莫測

石陵避暑錄吳越之俗以五月

信芳閣詩章

卷四

六

二十為分龍日分龍後龍各有分域雨暘往往隔一轍而異也

聞道田家黍稷蘇

民無鬻子販妻憂今年太歲空在已傍舍壺漿已

可求

馬總意林袁雅正書太歲在酉乞漿得酒太歲在己販妻鬻子今適值乙巳而亢旱兩月

既而大雨滂沱遠近沾沛黍苗其其較往歲轉茂雖災祥有自然之理而堯舜在上聖德格

天故能轉災為祥也

心織為衣筆為食愧將升斗累親識注

面吹帷舉筆難又恐饑寒慮明日登樓一望黍芄

芄綠浪風掀膏乳中力耕猶有逢年樂莫怪樊遲

願學農

代外子作蒲陽客館述懷

蒲陽子役動兼旬狡兔爰爰未易馴

謂當時某某

四面

雲山虛館夜一窗松月苦吟身點金乏術不求富

顧影無慚能耐貧

是役也外子幾為蜚語中傷故及之

歸去考應書

下下催科政拙枉艱辛

西鄰繆姓失火口占誌感

夜半西鄰遭祝融頓看烟焰逼長空天心善惡分

明判我意還愁玉石同

年來典盡嫁時衣家具蕭條便取攜好護青箱書

萬卷先人手澤此中遺

信芳閣詩章

卷四

七

最憐族姒老還嫠倉卒誰扶自護持成謂蛾眉偏

有胆未曾織悉失毫釐

禍淫福善豈虛傳傷馬傷人最慘然

時繆姓一家燒死五人

我似二禪天上住火災不怕到窗前

寓居與繆姓鄰近厨廡已

為燒燬又值下風火勢方張延至書室窗外咸謂必成焦土幸霎時風止火熄紙閣蘆簾一無傷損

豈非天佑耶

文遭胠篋未成灰

姪靜軒抄時藝盈篋倉卒中為人竊去

誰拾陳編

恐費猜萬卷書藏胸臆內不愁火難與風災

入都雜咏

補瘡剜肉漸生肌官裏嚴催入帝畿妻卽先生人

錯會羨儂雙宿又雙飛外背瘡新愈調攝綦難不得不與偕行故云

雨雪欺人撲面飛做裘弱質不勝威憐他病後神

衰薄水驛山程代指揮

嘗與名醫證錯訛陰陽六氣辨來多筆耕心織生

涯薄雜藝應添內外科

抵都喜晤憚蘭生六奴并諸姪姪女

迎門骨肉笑顏開共訝冰天我亦來不信閨中柔

弱質能逃鬼難指壬寅再生事與風災指乙巳火災事

信芳閣詩草 卷四

八

喜看珠玉盡森森情話纏綿坐夜深嘆惜彫零諸

娣奴六奴汪雲和十娣許麗卿十不禁清淚濕衣

襟

嬌女成工咏絮才諸女姪皆能詩錫璇五姪女尤工楷法詩情畫意

兩兼該現俱從余學畫叔無阿大中郎雅慚愧燈前問字

來

車簾

疑城一道動隨輪霧隱蓬山望不眞展卷難邀如

水月留香雅護似花人蝦鬚捲處添吟興銀蒜垂

時絕暗塵畢竟春光深鎖好免教雨雪濕車茵

題武夫人沈湘佩

善寶

鴻雪樓集并謝題拙

稿

數載神交隔暮雲銘椒賦茗久傳聞青蓮甘下宣
城拜我亦龕才合讓君

詩吟唐宋字鍾王捧到驪珠喜欲狂健筆一枝容
借否問奇願坐玉臺傍

嗟哉純孝世無儔閨閣能爲負米游至性清才誰
得似曹娥謝女並千秋

信芳閣詩草

卷四

九

風流儒雅亦吾師黃絹題來壓卷詞自笑才華同
嚼蠟媿無佳句答新詩

將次出都六奴憚蘭生設餞卽席留別并示

諸姪姪女

難得相逢又別筵離堂情話倍纏綿能求冰鯉憐

兒孝

四姪女錫蕙五姪女錫璇並封股以愈親病

不衣蘆花賴母賢

性

賢淑前室子女愛如已出

六法未工慚指授

諸文姪俱從子學畫

五車勤

讀望騰騫婦娥無賴將人如月落夢橫欲曙天

和答沈湘佩見贈原韻卽以懷

詞壇厚誼夙根萌正始風裁仰盛名沈詩選入正始集珠

玉締交投兩串未晤時先為子題集苔岑契合想三生國香

許訂同心譜美膳蒙頒護世城瀕行贈畫蘭四幀膳品二種旗

鼓相當人有幾竊攀屈宋庶堪京

千鈞健筆欲凌空多少名流拜下風敏捷詩追唐

太白研精畫嬾宋文通宋劉文通深於畫理歸裝重疊貽騷

雅蒙惠鴻雪樓稿及諸名媛各集別夢頻番繞闔蓬最苦相思不

相見當時分手惜匆匆

烟蘿仙館雜咏 十首

信芳閣詩草 卷四

十

飯疏飲水樂單瓢吏隱居然遠市囂我似涪翁無

嗜好胸懷惟用古書澆讀書

八口生涯賴硯田藉將詩畫送華年幾回擱筆添

根觸蘭蕙何如蒲柳妍作畫

貧來何事遣牢愁畫債詩逋冷應酬我似君平安

卜肆偷閑窗下仿銀鈎臨池

書足娛情可自寬恨難尺五皂紗冠文希幕府黃

崇嘏武慕從軍花木蘭觀書

風宜扇引解煩襟邀月圍棋坐夜深我但消閑常

敗北平生不慣用機心敲碁

幾回望月叩清光世味年來已慣嘗玉宇瑤樓如

可借何愁高處不勝涼問月

寶鼎名香敷衽陳祝親天爵享千春此身終愧嬰

兒子至老晨昏奉二人顓天

手追心慕環青閣王澹音夢想神勞鴻雪樓沈湘佩集

名更有好詞吟不榘潘虛白茫茫大地恐無儔詩

篇篇風雅耐哦吟識面聞名企總深我欲繪圖尋

故事拜潘揖沈哭環青懷人近時名媛潘虛白沈湘佩王澹音三夫人為

信芳閣詩草卷四

最子來津門澹音已下世今春入都始得與湘佩訂交而潘虛白太夫人以事多阻未能一晤故云

終風且暴最堪啜樛木徒援葛藟枝宜爾子孫應

戢戢維賢維德亦吾師蕙香姊

答沈湘佩

作答書遲只為貪筆耕謀食諒艱辛憶君時展瑤

華讀那得天涯若比鄰書來有天涯比鄰之慰故末句及之

自題虞美人蘭草長春便面

風枝露葉絕纖塵淺碧輕紅踈淡勻好似四禪天

上住美人香草共長春

金芝閣二姊館甥命賦新婚詞卽席口占

秦樓春暖雀屏開
蕭史翩翩跨鳳來
玉鏡臺前初卻扇
稱心天與畫眉才

香飄桂子小登科
五色雲開現月娥
爭怪親朋齊健美
女兮窈窕士婆娑

送別伯谷大兄芳芝大嫂之任清河

四世稱同產君良語最真
劉君良九世猶稱同產一朝欣把

袂五載樂親情
涸鮒難蘇困廉泉
慨濟貧離懷如

中酒不待飲醪醇
嫂以行色匆匆招飲未至故云

信芳閣詩草 卷四 三

送爾難爲別依依握手時
微才蒙過獎淑德最堪

師嫂待衆妾寬厚誼感汪倫厚
貧慚鮑叔知折梅如可寄

芳慰遠人思

爲外子納寵口占以賀

天隨人願慰平生佳話應知自
玉成爲爾廣寒宮

闕閉佳期適值月杪良宵甘讓小
星星

豔抹濃粧曳綺羅
風流夫婿欲風魔
胸前代佩椒

聊實繁衍盈升得子多

不櫛書生采筆呵替卿
著意畫雙蛾檀奴珍重藏

金屋好賦房中得寶歌

謝武夫人沈湘佩寄惠畫扇畫幀麗參餅茶

兼以寄懷

錦字迴環對短檠加餐深感故人情放低詩格酬
猶易頌到璠瑤報媿輕自有聲華傳海內漫嗟心

力換虛名

來書吾姊體素柔弱書畫固可陶情而亦能耗費精神妹以浮名所誤以致日

無暇晷目昏腕弱清夜思之自覺可笑近日欲焚筆研而不得爲勸

巫咸莫救蒼舒

恨不獨君悲我亦驚

姊近抱西河之痛

屢驚手重捧雲箋鈞樂因風落九天八餅頭綱清

信芳閣詩草

卷四

三

齒頰三椹五葉起沉綿輝生蓮萼珠璣富香滿襟
懷水墨妍珍重拜嘉憑雁翼夢魂隨繞鳳城邊

寄懷汪太夫人潘虛白

四旬小住憶京華交臂詩人失又嗟

客春在京緣病多阻嗣又

匆匆出京未獲一面爲悵

自嘆蛾眉難負笈問奇何日侍韋紗

和鄧樵香別駕殘菊原韻

誰遣開遲殿後來離披三逕剩低徊格高似爾堪
借隱人瘦如花苦費才斜月殘陽描色相金鈿翠
葉記根荑干紅萬紫飄零盡松柏同稱豈浪猜

臨風仙骨尚珊珊伴我清吟助我歡高士疏籬和
露采玉人繡口帶香餐墨須乘醉淋漓潑

燕香先生屬寫

殘菊花不沾塵仔細看生性本來甘淡泊原非有
意傲霜寒

錢香士太守以 穆鶴舫相國丙戌海運紀

事詩四章囑和卽步原韻

非關陳法效前明白見飛輪達 帝京玉粒千

艘勤獻納珠璣萬里驗忠誠馮夷推送來何速鷁

尾聯翩舊有程百辟匡襄籌策備相公應喜巨功

信芳閣詩草 卷四

十四

成

良圖端賴軼羣材法立尤資 聖主裁黍稷萬

家 天庾足艤艦一片日邊來應時風力征帆飽

效命星符駭浪開安穩不殊行內地可知渡閘轉

紆迴

輕航挽運太倉收島嶼經過駐荻洲其識羣僚謀

集夏從知連歲慶登秋波心蛟鯉藏安窟月下龍

鼉負客舟有 詔自容民力緩無邊 恩澤

順川流

丁沽翔集五花驄納蓋宣猷罔勿同裕 國自應
煩大吏便民祇合賴羣公心傳德業師門福管領
滄溟郡帥風倉粟只今儲積富好趨 丹陛告成
功

和外子京寓寄懷原韻

萬疊情波感不勝憐他蕭寺似枯僧時寓僧寺愁霖釀

就相思味清淚添成無盡燈劍氣久寒重拂拭謂外

子久不作詩來詩甚佳珠光已晦失飛騰余爲筆耕所累人亦久廢吟咏矣

生若使無離別恩愛誰知一倍增

信芳閣詩草

卷四

五

並蒂蘭開感賦

一叢宛轉同心結幾翦相依並蒂花和露折來愁

插髻伊人京國卽天涯

和外子秋夜讀書

屈宋衙官重冰壺心跡清胸羅書萬卷詩悟月三

更讀畫愁魔退揮弦落雁鳴所嗟貧似昔染翰尙

謀生

午倦得詩二首

甫釋采薪乍離繡蜀聽商飈之入耳覺簷

鏡以驚心倚闌而陡怯涼颺握管則自嫌
神困雖鏡中髻影猶是春人而砌畔蟲吟
已同秋士眉顰宛轉黛痕恐失夷光腰瘦
惺忪衣帶何輸沈約更虛名爲累遂使詩
魔畫障叩關似索新逋而弱質誰憐惟應
託病逃禪隱几藉堪避債西窗露冷韻似
黃花北地風高愁如綠緯午間小坐倦欲
拋書載賦二章聊舒積悶云爾

繡帘垂地怯涼颺瑞腦慵添倦不支擬向芸窗親
信芳閣詩草

卷四

六

筆硯翻攜書卷睡移時

果然午睡敵千鍾香護吟魂繞菊叢莫笑忘饑將
辟穀起來書味飽胸中

楊慰農都轉命代和 卓相國海帆咏秋海

棠用漁洋山人秋柳原韻

疑是亭亭倩女魂秋光澹淹掩重門風扶弱態憐
香意雨洗紅粧惜粉痕恰稱月明雲淨院最宜橘
綠袖黃村斷腸自送王孫去泣露啼烟不可論
裊裊西風未著霜或依芳砌或銀塘嬌如靜女初

臨鏡豔似紅羅乍啟箱耐冷也宜栽月窟含顰無
分伴花王曾陪老圃秋容淡丹鳳城南畫錦坊

劇憐嬌若不勝衣吟瘦腰肢似也非繪譜既工渲

染法詩人何故品題稀木本海棠前人詠者多
矣鮮有及秋海棠者吳

宮擁髻眉常斂漢苑留仙袂欲飛靜意端詳終有
恨開時惜與好春違

商秋冷豔最堪憐大葉嬌花怯晚烟翠袖臨風愁
渺渺芳心懷遠思綿綿猩紅繞砌看今日清淚拋
階憶往年幸有玉人知愛惜折枝斜插綠雲邊

信芳閣詩草

卷四

七

苔痕

漠漠斑斑點綴稠不爭要道與溪頭印來鳳鳥香
泥軟行過蝸牛篆影留拾翠嫩嫌花逕滑上階綠
愛草堂幽殘紅滿地相輝暎艾納何須和雨收

得外子書寄懷

懷袖藏書讀未休眉頭纔下又心頭可憐難解腸
千結綠蠟丁香一樣愁

琅琊貞烈詞小引

李栢堂侍郎督學江蘇卒於官侍妾王氏

自縊以殉大吏聞於朝得旨旌表一

時士林賦瑯琊貞烈詞余兄芝房以所作

寄示并索余詩爲賦七古一章其詞曰

滇南侍郎今鄴侯

侍郎姓李

江東視學驅騁瑯琊姬

人本黔產芳齡宛轉隨衾稠卿貳高官備休沐藏

嬌特爲儲金屋籃輿共踏青山青彩鷁同凌綠波

綠樊素攜巾侍畫堂未輪白傳教新粧晨趨瑣院

熏宮錦夜點圖書蕪鼎香朝朝暮暮情無盡寵如

胥忘益加謹惜哉箕尾促天星嶽嶽文宗一朝隕

信芳閣詩草

卷四

七

此時怨憤斷柔腸此際音容已渺茫墮樓立志寸

心決麻衣颯颯飛嚴霜節義高風在天壤當時詎

作千秋想直以真性隨君魂生死相依結精爽

宸章彪炳表厥貞一時彤管垂令名佳人具有烈

士操小星煜煜光瑩瑩嗚呼五華高昆海潔

侍郎故鄉

山水也

主恩深兮妾情竭尺五吳綾一腔血

題廖豸峯大令詩卷

巨製曾聞衆口推琳瑯寶氣亦佳哉蒼虬駕海神
逾王天馬行空志未灰七品久登循吏傳八閩例

產軼羣才寓公聲望喬松質會見耆英洛社開

題胡吟香女史遺照

女史浙江人美而慧航吟咏適同里錢氏遇人

不淑而殂母夫人金湘琴亦能詩

披圖宛爾遇姮娥太息芳齡委逝波三月花光分
兩頰六橋柳色集雙蛾塔逢紈袴清才少僊謫塵
寰薄命多玉碎珠沉咸惋惜王郎天壤恨如何

梅花詩社詠梅花四影

霜裏嬋娟鬪豔時冰輪花塢亦遲遲帳中乍醒游
僊夢林下剛逢絕世姿望去成三非獨笑伴來夜

信芳閣詩草

卷四

九

五慰相思徘徊欲向嫦娥問是我前身未可知

下月

香滿蕭齋夜氣清古蠶歷亂插繁英銀盤芳惹光

逾燦素面紅粧色轉明腕底胭脂圖未肖屏間水

墨畫誰成愛他紙帳橫斜好又把蘭膏繼短檠

前燈

盈盈秋水寫容光坐對名花爾我忘姑射仙人增

獼臚壽陽貴主助鴉黃寶奩陡覺珠宮現繡戶俄

成雪海香何必羅浮尋夢去不如燒燭照紅粧

中鏡

一灣清淺照斜橫索笑尋詩遶澤行解佩江皋邀

舊侶浣紗溪畔暎傾城雲林縱起模難就驛使如

逢折不成閒俯曲闌凝睇處卿須憐我我憐卿

水邊

追悼司蘭六姊三十六韻

余六姊司蘭麗質端容具有夙慧長余兩
歲於姊妹行獨與余洽幼時共針盤同筆
硯如蛩駉之相依固無刻不偕形影也少
長歸中州白大令子鳳鳴生子女各二而
最慧者獨早殤姊既慟亡兒又僑寓維揚
眷戀二親晨夕飲泣時余亦遠嫁互相翹
盼蓋千里同此一心若將見而復不獲相

信芳閣詩草

卷四

三

見者歷有歲年叢蘭早摧溘然竟逝卒年
二十有八姊至性尤篤酷嗜吟咏而爲夫
婿散失僅留咏西瓜燈一詩藏諸篋笥迄
今廿餘年偶檢殘篇宛轉披誦不自知涕
泗之何從也爰賦長律用示吉光片羽之
藉余作而存焉畧敘弁言聊誌余痛其辭

曰

漏盡人初定蕭齋猶未眠無心開卷鞅觸目見殘
編自抱同懷痛星週兩度天

姊下世已廿四年矣

憂傷成疾

疾余素無肝恙緣哭姊過傷而有斯疾聰慧損華年姊幼最慧過目不忘緬昔

趨庭日追維樂事全膝前承色笑窗下互鑽研瑞

腦添香鴨金針繡紫鴛帖模王逸少詞學柳屯田

滅燭邀明月揮毫賦采蓮窺奩花遜麗琢句錦輪

妍孝綽門風雅元龍品學專芝房雙珠誇照乘兩

美喜隨肩大母含飴樂高堂屬望堅譽兒原父癖

稱妹本兄憐倏忽榮華改淹留歲月遷阿爺初奉

諱大吏過飛騫更議時適值祖慈棄養綠水蘭橈返紅絲繡

幕舉扶鳩忻擇耦射雀記開筵甥館雙栖穩驪駒

信芳閣詩草 卷四 三

一旦牽蓉江分雁影瓜步隔蟬聯淚剪西窗燭魂

消南浦船迢遙千里望宛轉尺書傳屢接瑤瑤報

欣聞玉燕駢依依文葆製濯濯掌珠鮮嘉問頻相

慰離懷未易蠲綵觴期共舉道光三年家大人七十壽辰相約同舉壽

觴繡榻冀重連張角偏逢爾參商若避然七年中

寧雖先期相訂至期姊以事阻不克歸余亦然看雲增悵快望月更纏綿

淒絕終風句難忘其雨篇盤中詩枉賦天壤恨難

宣毒卉嗟冬茂名花嘆夏捐椿萱情痛切手足涕

潺湲石碣餘荒塚未幾兩甥天折姊壻亦逝粧臺剩翠鈿宏篇

夫媚失片羽阿干鐫

姊有春暉閣詩草數卷為姊婿失去僅存咏西瓜燈一律

芝房兄已刻入家譜

淑質愁湮沒悲歌敘末顛欲懷椒醋問

可結再生緣

附錄

詠西瓜燈

司蘭

鏤冰妙手卻鏤瓜猶記寒漿沁齒牙不道是空
還是色果然如火更如花照人那有模糊處皮
相從教清白誇頃刻炎涼君莫訝青門原是故
侯家

信芳閣詩草

卷四

三

梅花詩社詠海光寺海棠

宛若朱顏醉暈生漫將古刹比華清照來絳蠟容
逾豔吹到紅粧風亦輕無數流鶯啼恰恰曾聞宮
女報聲聲紛紛桃李俱龕俗富貴天姿畫不成

簾鈎

一桁珠光拂綺霞房櫳半捲越溪紗舉帷響觸搖
環鳳倦繡人扶掠髻鴉日影乍橫金絡索波痕輕
漾玉鈎斜侍兒侵曉懸羅幕報道薔薇已著花
織織新月記傳神銀蒜垂垂護好春雙曲輕分青

步障一彎低亞畫樓人開軒不藉魚吞吐展幔非
關夔屈伸爲捉迷藏聞碎響湘褰窄錯聽難眞
流蘇不動篆烟微掩暎花枝壓繡幃半晌申申尋
好夢幾家乙乙漾朝暉莫教繞戶蛛絲冒恐碍歸
巢燕子飛掛起紅羅人共美曲瓊今日賜緋衣
厯亂湘波蕩夕暉是誰纖手款犀紋呈來粉面剛
全露剖到瑤環恰半分高捲秋河看驟豔低垂香
夢護氤氳輸他屈戌同爲用無那玳瑁入夜聞

自製豆腐偶成

信芳閣詩草

卷四

三

神仙服食少人知

世傳淮安王以丹葯點成

傾刻丹成幾轉時

翠釜烹來疑沸雪柔荑捧處並凝脂膏粱雜遯腥
堪厭水乳交融淡可思解得割雲餐玉法一標何
必認茅茨

灼艾

余素有肝疾發卽作楚然惟胸膈蓬脹而
已數年來事與心違肝氣行入四肢以致
痛楚艱於伸縮醫家云病在手足藥石一
時難達傳以灼艾法以手自灼漸便屈伸

足則不能自灼也有感於宋太祖灼艾分
痛事口占一絕用誌慨云

迷陽却曲傷吾足十指牽蘿碍屈伸玉碎女嬃諸

俱以下世兄遠隔可憐分痛又何人

夜坐書懷寄外

筆墨生涯聊濟貧可憐十指是勞薪謾誇中允揮
豪速其奈維摩示疾頻千里饑驅愁寤寐四年奔
走嘆風塵昏黃眼倦拋書坐只有燈前影伴身

梅花社長廖豸峯大令輓詩

信芳閣詩草

卷四

十四

曾傳好句到粧樓聞道才名遍九州客裏韶光容
易擲社中祭酒已難留閩南物望推長史山左人
文說故侯太息等身多著作杜陵相對起牢愁

排悶寫懷寄外

數年捧檄賦駢駢會少離多各損神劃地充饑難
作餅賣文爲活愧求人常思堂上恩勤日好護天
涯顧復身觸熱衝寒徒碌碌依然無補一家貧

秋窗風雨夕擬春江花月夜體

秋窗風雨寒氣侵窗前有客愁何深已覺離人愁

不盡那堪風雨攪愁心
枉向繁台寄無米爲
炊良不易依然仍抱北門憂
漫說居官多活計活
計從來藉硯田可憐末疾久纏綿
拘攣咸惜羅昭
諫風痺皆愁白樂天
樂天昭諫誰能及巨賈多金
易篇什慚愧蛾眉步後塵
數載天涯賣文活此時
名譽滿通都此際聲華徧
直沽探風星使書名

訪

謂戊申年陳子鶴花
松岑兩侍郎徵畫事

藝苑宗工著意摹其奈維

摩常示疾遠別慈親誰護恤
染翰何分寒暑天讀
書邊計剛柔日辛苦誰憐
太瘦生枉將實事換虛

信芳閣詩草

卷四

五

名挑燈灼艾誰分痛咏絮吟成孰與賡
羅敷夫婿輕離別四年慣作梁園客
客館笙歌樂暮朝深閨風雨愁行役
深閨寂寂夜迢迢翠袖寒生燭暗消
一天涼氣沉譙鼓四壁風聲響怒濤
風雨淒涼誰訴誰個十丈愁城攻
不破愁見燈前影伴身吹燈且向香衾卧

信芳閣詩餘

菩薩蠻 寄司蘭六姊

池塘春草如絲碧同懷千里關山隔何處是維揚
眉頭暗鎖長 迢迢雙鯉集慰我時相憶江上采
芙蓉秋來明月中

浪淘沙 閏七夕

女伴語聲嬌笑指銀橋劇憐烏鵲未生毛諒是脩
脩脚不穩緩御雲輶 玉露濕花梢燭影光搖中
庭瓜果又相邀天意也憐經歲別特閏良宵

信芳閣詩餘

鳳凰臺上憶吹簫 咏菊

廣陌秋高小窗風冷籬邊點綴輕黃試下階摘取
襟袖皆香渾不是等閒桃李趁芳菲愛踏春陽試
看我亭亭瘦影儘耐嚴霜 商量欲拚一醉借色
染雲箋香沁詩腸况謝庭觴咏莫問柴桑更少些
兒俗韻雲髻畔挿滿何妨還摘取花心花實歸來
獻祝高堂

菩薩蠻

沉沉玉漏催銀箭鴛鴦欲繡仍停線呼婢預烹茶

安排候着他 囊螢與映雪須把分陰惜燈炮月
西斜何方坐落花

憶王孫

海棠深院綺筵開露滿芳叢濕繡鞋儂家乞巧異
同儕試相猜一半愚來一半呆

滿庭芳

翰墨和鳴齋供菊數十種借外拈得詩字

帶月鋤來和霜種就瘦影燈影參差花爲四壁何
必繞東籬若問九秋伴侶無非是松栢心期天賦
與冷香艷質別具歲寒姿 猶奇當此際早梅數

信芳閣詩餘

二

點先放南枝試下階折取並揮湘瓷渾似佳人高
士看標格絕代同時沉吟久香噙嘴角煮茗共題
詩

清平樂

愁風愁雨嘗盡愁滋味雁是南來人北去萬種離
懷難寄 憐儂終日凝眸知他長掛心頭道路舟
車勞頓如何禁得離愁

賣花聲

題朱儼尹夫人刺繡紅葉仕女圖冊

彼美畫中逢翩若驚鴻雪膚玉貌與花同拾得階

前秋一葉端正題紅 妙手奪天工滅盡鍼鋒嗅
來香氣出春蔥想見慧心人婉婉欲溯洄從 余與夫人
全寓沾上以事多阻未
得會晤故落句及之

鳳凰臺上憶吹簫 寄外

翠減蛾眉紅消蓮靨金猊香冷慵添任飛蓬雲鬢
懶貼花鈿著甚來由拋撇愁滋味說起堪憐知也
未爲卿憔悴長是懨懨 懨懨吹簫人去嘆倚遍
闌干卜盡金錢况望穿秋水屈盡春纖萬種離懷
難罄空延佇月暝花烟惟願取珠還合浦人月雙

信芳閣詩餘

三

圓

摸魚兒

題周溫甫烟
波泛棹圖

寄豪情茫茫大地商量遣興何處軟紅十丈徒紛
擾只合烟波同住心暇豫趁一棹空濛領略滄浪
趣漫斟綠醕看青嶂重重輕鷗片片隨着画橈去
才人筆幻出高人意緒傳來清境如許春江匹
練開懷抱箇是神仙伴侶儘延佇十二萬年間幾
輩能容與夢魂栩栩想賀監當年鏡湖烟月似向

此中遇

余以謏陋之質鮮力學而從事於風塵鞅掌作升
斗營營方以徵逐無清才居恒每引爲憾顧幼攻
舉業暇輒偷作小詩少長授室得慕青爲耦見其
清思雅尙具有慧心每出一篇輒爲先大夫許
可夙知母家才人輩出有六朝劉氏風學有本源
其信然乎余私喜閨中得良友而又愧天資才力
均有不如每當花辰月夕此倡彼酬字句未協輒
得慕青之助今來沾上十有餘載客途貧宦惟以
翰墨相和鳴慕青又工繪事詩情畫意神韻遠過
信芳閣詩草 跋 一

於余遇資斧缺乏則又藉其揮灑丹青得泉爲活
是慕青之助於我者蓋又不止推敲字句已也今
以其所作詩刪存數百首積年來畫資所入付諸
剞劂而生平靈秀之氣性情之真悉於是詩見之
間亦以鄙作附於集中俾覽者知余伉儷居貧自
得至樂爰誌顛末於卷尾云爾

咸豐紀元歲次辛亥孟冬陽湖左晨跋

